

الرشاد

سنة ١٣٣٠

والله يهدي من يشاء الى صراط مستقيم ديني ، علمي ، ادبي ، سياسي هفتلق مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

جلد ١ - ٨

١٦ ربيع الاخر ١٣٣٠ پنجشنبه ٢٢ مارت ١٣٢٨

عدد ٥ - ١٨٧

اولسون. آتیده کی بش آدرسه سبیل الرشاد سنه لک ابونه قید ایدرک متراکم نسخه لک ارساله عنایت بیوروامنی، المزدن کلدیکی مرتبه ابونه قید ایتدیرمکه چالیشه جغمزی عرض ایلهرک تقدیم احترامات ایلرز افدم.

۱ مارت ۳۲۷. اشقودره - طوز:

محمدحلی، مصطفی شوق، سلیم سامی، مصطفی، حافظ ابراهیم.

حیات اقوام اسلامیه

برلغاسانه

ویدینه ده مسلمان مکتبلی

نفس ویدینه ذکور وانا نه مخصوص اولوق اوزرد درت صنفلی بررشدی ايله درت صنفلی بر ابتدائی موجوددر. رشدينك موجودی ذکور وانات اولوق اوزره ۸۳ اولوب ۳۵ ی اناث باقیسی ذکوردر. مکتب ابتدائی ده ذکور وانات اولوق اوزره مجموع شاگردان ۱۴۰ درکه مکاتب اسلامیه موجودی ۲۲۲ عدده بالغ اولمقدهدر.

مکاتب اسلامیه بر مدیرک تحت اداره سنده بولنوب رشدی وابتدائیده سکز معلم برده مفتش معلمه سی موجوددر. مأمورین ومعلمین معاشاتی کاملاً انجمن معارف اسلامیه قاصه سنندن تأدیه اولمقدهدر.

هیئت تعلیمه دن ایکسی عالی بری اعدادی دن مأذوندرلر. باقیلری مکاتب رشديه دن مأذون اولوب مدت مدیده معلملکده بولنشلردر.

مکاتب اسلامیه واردات ومصارفتی یکرمی بیک فرانغه بالغ اولمقدهدر.

اولیای اطفال عمومیت اوزره رنجبرددر. انجق یوزده اون الی اون بشی تجار، اصناف ومأمورینی تشکیل ایتکدهدر.

قذالوره. - نفس قصبه ده اوج صنفلی ذکوره مخصوص اولوق اوزره بر رشدی ذکور وانات ایکی ابتدائی مکتبی موجوددر. رشدينك موجودی ۴۰ اولوب ابتدائیلرده ده ۱۲۵ موجود واردرکه یکون موجود ۱۶۵ در. مکاتب آلتی معلم ایکی معلمه طرفندن اداره اولمقدهدر. معلملردن بری سلطانی بری اعدادی مأذونی اولوب باقیسی رشدی مأذونیدرلر. معلم اولک معاشی معارف عمومیه نظارتندن تأدیه اولنور. باقیسی ومأمورین ومعلمین معاشاتی کاملاً معارف وزنه سنندن تأدیه اولمقدهدر. مکاتب اسلامیه واردات ومصارفتی ۵۰۰۰ فرانقدر.

قضا داخلنده یکرمی بش مکتب ابتدائی موجود اولوب آنجق اونی اصول جدیدیه تحویل اولنه بيلمشددر. موجود طلبه وطالبات ۳۰۰ درکه نفس قصبه ايله یکونی ۴۶۵ بالغ اولور.

مکتب بکات

وامبری کیمدر

بو آدم سکسان سنه یاشامش ایش، غایت مشهور بر مستشرق اولدقندن ماعدا، برده عثمانلی محبی ایش. (اقتحام، مارت ۱۸) بزم بیلدیکنز بو آدم بر مجاردر، شرقده بیوک سیاحتلری واردر. نه درجه ده شهرتی اولدینی بزجه معلوم دکل. سیاحت نامه سنده یازدقلری شیلرک هیچ بری قرین حقیقت دکدر، بالخاصه تورکستانده امامت وظیفه سنده بولندیغنی هیچ بر «حوجد» لی بيلمیور.

اسلام دشمنی اولدیغنی بوندن آلتی آی مقدم کندی قللی ايله کوستردی. طرابلس غرب محاربه سی مناسبتیه یازمش اولدیغنی مقاله یی تلغراف آژانسلی بوتون عالمه نشر ایتشدیلر، اقدام رفیقمره کندی غزته لرینه مراجعتی توطیه ایدره ز.

شیرین

بغدادده بر مدرسه علوم. - بغدادده علوم عالییه دینییه وفنون حاضره مدنییه نك بحق تدریسی ایچون واسع بر مدرسه علمیه تأسیسی تقرر ایلشددر. الیوم، وجود مدرسه اعظمیه بوصورتله اصلاح ایدیلر جکدر. اصلاحاتک ایجاب ایلدیکی مصارفک تسویه سی نظارت عاظمه سنه تبلیغ اولنشددر.

بیردت شهرامنه بر آجه. - بیرونده کی ایتالیا بومباردمانی انا سنده شهید اولان غزاة عثمانیه نك احیای خاطره لر ایچون رکزی مقرر اولان بر آبدنه نك مصارف انشائیه سنه مدار اولوق اوزره اعانات درجه نه اهالی طرفندن کوستریلان آرزو اوزرینه مذکور اعاناتک درجه نه نظارت اتمک ایچون والی ولایت ریاستی عتقده اشرف محلیه دن مرکب بر قومیسینون تشکل ایتشددر.

برنه فریضه حج ایفانه مشرف اولره مسلمانلر. - لوندرده منتشر (ذی نیرایست) غزته سنه جده دن بیلدی برلدیکنه کوره بوسنه انا سنده حج شریف فریضه سی ایضا ایدن عناصر مختلفه اسلامیه نك عددی بروجه آتیدر.

عربستاندن	۲۵۰۰۰۰	جزایر وتونسدن	۲۲۲
هند و افغانستاندن	۲۱۰۶۸	مصر دن	۴۴۲
بخارادن	۷۳۸۰	بندن	۱۶۹۸